

中華大典



四

圖書在版編目 (CIP) 數據

中華大典·文獻目錄典·古籍目錄分典·史：全四冊 /
《中華大典》工作委員會，《中華大典》編纂委員會編纂。
桂林：廣西師範大學出版社，2016.11
ISBN 978-7-5495-9246-3

I. ①中… II. ①中…②中… III. ①百科全書—中國
②古籍—目錄學—中國 IV. ①Z227②G257

中國版本圖書館 CIP 數據核字 (2016) 第 306949 號

中華大典·文獻目錄典·古籍目錄分典·史

編纂：《中華大典》工作委員會

《中華大典》編纂委員會

出版：廣西師範大學出版社

(廣西桂林市中華路 22 號 郵政編碼 541001)

發行：廣西師範大學出版社

(廣西桂林市中華路 22 號 郵政編碼 541001)

排版：南京展望文化發展有限公司

印刷：長沙鴻發印務實業有限公司印刷

(湖南省長沙縣黃花鎮黃壟村黃花工業園 3 號 郵政編碼 410137)

開本：787×1 092 毫米 1/16

印張：165.5 字數：4 925 000

2016 年 11 月第 1 版 2016 年 11 月第 1 次印刷

書號：ISBN 978-7-5495-9246-3

定價：1600.00 圓 (全四冊)

外紀分部

班超西域風土記

姚振宗《後漢藝文志·地理類·外紀》 班超《西域風土記》。范書本傳：超字仲升，扶風平陵人，徐令彪之少子也。顯宗除爲蘭臺令史。永平十六年，奉車都尉竇固出擊匈奴，以超爲假司馬。使西域有功，帝以超爲軍司馬。建武八年，拜超爲將兵長史。永元三年，以超爲都護。六年，西域五十餘國悉皆納質內屬。明年，下詔封超爲定遠侯。超在西域三十一年，十四年八月還洛陽，拜爲射聲校尉。九月卒，年七十一。朝廷愍惜焉。又《西域傳》序曰：和帝永元三年，班超遂定西域，因以超爲都尉，居龜茲。六年，班超復擊破焉耆，于是五十餘國悉納質內屬。其條支、安息諸國至于海瀕四萬里外，皆重譯貢獻。九年，班超遣掾甘英窮臨西海而還。《續漢書》甘英作「甘菟」。皆前世所不至，《山經》所未詳，莫不備其風土，傳其珍怪焉。又曰：西域風土之載，前古未聞焉。漢世張騫懷遠之略，班超奮封侯之志，終能立功西遐，羈服外域。其後甘英乃抵條支而歷安息，臨西海以望大秦，拒玉門、陽關者四萬餘里，靡不周盡焉。若其境俗性智之優薄，產載物類之區品，川河領障之基源，氣節涼暑之通隔，梯山棧谷繩行沙度之道，身熱首痛風災鬼難之域，莫不備寫情形，審求根實。

班勇西域記

顧懷三《補後漢書藝文志·輿地類》 班勇《西域記》。勇，超次子。《後漢書·西域傳》諸國風土人俗皆已詳備前書，今撰建武以後其事異於前者，以爲《西域傳》，皆安帝末班勇所記也。

姚振宗《後漢藝文志·地理類·外紀》 班勇《西域風土記》。范書《班超傳》：超少子勇，字宜僚，少有父風。安帝永初元年，西域反叛，以勇爲軍司馬。延

光二年，復以勇爲西域長史。順帝永建二年，以討焉耆。後期徵下獄，免。後卒于家。和帝永元十二年，超以久在絕域，年老思土，上疏求還，曰：臣不敢望到酒泉郡，但願生入玉門關。謹遣子勇隨獻物入塞。及臣生在，令勇目見中土。又《西域傳序》曰：班固記諸國風土人俗，皆已詳備前書，今撰建武以後其事異于先者，以爲《西域傳》，皆安帝末班勇所記云。又曰：西域風土之載，其後甘英莫不備寫情形，審求根實。至于佛道神化，興自身毒，而二漢方志莫有稱焉。班勇雖列其奉浮圖，不殺伐，而精文善法，導達之功靡所傳述。嚴可均《全後漢文編》曰：班勇有《西域諸國記》若干卷，今全卷在范書。惠棟《後漢書補注》曰：《西域傳》云世傳明帝夢見金人，長大，頂有光明云云。此以下范氏續述所聞，非班勇之文也。

吳時外國傳

姚振宗《三國藝文志·地理類·外紀雜記》 康泰《吳時外國傳》。《梁書·諸夷列傳》海南諸國，大抵在交州南及西海大海洲上，相去或四五百里，遠者二二萬里。其西與西域諸國接。漢元鼎中，遣伏波將軍路博德開百越，置日南郡，其徼外諸國自武帝以來皆朝貢。後漢桓帝世，大秦、天竺皆由此道遣使貢獻。及吳孫權時，遣宣化從事朱應、中郎康泰通焉。其所經過及傳聞則有百數十國，因立記傳。《南史·海南諸國列傳》同。《太平御覽·圖書綱目》有康泰《扶南土俗傳》，又七百八十七云吳時康泰爲中郎，表上《扶南土俗》。所引凡十二條。又三百五十九引康泰《吳時外國傳》。《史記·秦本紀》正義引吳人《外國圖》，《大宛傳》正義引康氏《外國傳》。侯《志》曰：康案《水經》卷一、卷三十六及《御覽》屢引康泰《扶南傳》，又引康泰《扶南土俗》，《藝文類聚》及《御覽》屢引《吳時外國傳》。竊意康泰徧歷百數十國，必不至專記扶南一方，其大名當是《吳時外國傳》，而《扶南傳》則其中之一種。《扶南土俗》，又《扶南傳》之別名也。案《隋志》有《交州已南外國傳》一卷，兩《唐志》南作來，並不著撰人，似即此書之殘本。據《梁書》、《南史》則康泰及朱應所記，并及西域天竺土俗。

西域志

李昉《太平御覽經史圖書綱目》釋道安《西域志》。

文廷式《補晉書藝文志·地志類》釋道安《西域志》一卷。見梁僧祐《出三藏集記》卷五三、《寶記》、《開元釋教錄》等書並載之。《藝文類聚》卷七十六引之。《太平御覽》七百九十七引六條，又案《水經注》引釋氏《西域記》甚多，蓋亦出此書。《御覽》九百十一《西域諸國志》曰：有鼠王國，鼠著金環，沙門過，不咒願，輒害人衣器。《異苑》云，釋道安昔至西方，適見此俗。

外國傳

李昉《太平御覽經史圖書綱目》《外國傳》。

秦榮光《補晉書藝文志·地理類·外記》《外國傳》。僧支載撰。據《水經注》引曰：「半達，晉言。」其為晉人無疑。

文廷式《補晉書藝文志·地志類》（支）僧支載《外國事》。《水經·河水篇注》、《類聚》七十三、七十六、《書鈔》一百三十二、《御覽》七百一並引之。又《御覽》七百九十七引十三條，三百六十九引《外國事》曰大拳當作秦國人猿臂長脅，亦當出此書。

外國事

文廷式《補晉書藝文志·地志類》《外國事》。《河水注》又引《外國事》云：「據者三晉言十里也。據此亦晉人書。」

遊天竺記

章宗源《隋書經籍志考證·地理》《遊天竺記》。卷亡。釋法顯撰。不著錄。《水經·河水注》引釋法顯《遊天竺記》。

秦榮光《補晉書藝文志·地理類·外記》《游歷天竺記》一卷。據《法苑珠林》題稱東晉平陽沙門。

吳士鑒《補晉書經籍志·地理類》法顯《遊天竺記》。《水經·河水注》引法顯《遊天竺記》、《法苑珠林》作《游歷天竺記》一卷，《閱藏知津》四十三云：《法顯傳》一卷。東晉沙門法顯自記游天竺事，即此書也。

遊行外國傳

《隋書·經籍志·地理》《遊行外國傳》一卷。沙門釋智猛撰。

《舊唐書·經籍志·地理》《外國傳》一卷。釋智猛撰。

《新唐書·藝文志·地理類》僧智猛《游行外國傳》一卷。

鄭樵《通志·藝文略·地理·蠻夷》《遊行外國傳》一卷。釋智猛撰。

姚振宗《隋書經籍志考證·地理類》《遊行外國傳》一卷。沙門釋智猛撰。

慧皎《高僧傳》：釋智猛，京兆新豐人。少襲法服，每聞外國道人說天竺國土有釋迦遺跡及方等衆經。遂以僞秦宏始六年，姚興年號，時為晉安帝元興三年。發跡長安，西入流沙，歷鄯善、龜茲、於闐諸國，至波淪國、罽賓國、奇沙國、迦維羅衛國、華氏國阿育王舊都。以甲子歲發天竺還於涼州。甲子歲為宋文帝元嘉元年，往反凡二十一年。以元嘉十四年入蜀，十六年七月造傳，記所游歷，元嘉末卒於成都。余歷尋游方沙門記列道路，時或不同，知游往天竺非止一路，故傳述見聞，難以例也。本志《道佛篇》：晉元熙中，新豐沙門智猛西行到華氏城，至高昌。《唐書·經籍志》：《外國傳》一卷。釋智猛撰。《唐書·藝文志》：僧智猛《遊行外國傳》一卷。

外國傳

《隋書·經籍志·地理》 《外國傳》五卷。釋曇景撰。

鄭樵《通志·藝文略·地理·蠻夷》 《外國傳》五卷。釋曇景撰。

姚振宗《隋書經籍志考證·地理類》 《外國傳》五卷。釋曇景撰。《開元釋教錄》：沙門釋曇景，不知何許人，于蕭齊代譯《摩耶經》等二部，羣錄直云：齊世譯出，既不顯年，未詳何帝。案《法苑珠林·敬佛篇》云：昔法盛曇無竭再往西方，有傳五卷。《釋教錄》云：沙門釋法勇，梵名曇無竭，宋永初元年，與沙門僧猛曇朗之徒二十五人，遠適西方。元嘉末年達于揚都，所歷事跡，別有記傳云云。曇景，唐智昇撰《釋教錄》時已不詳其終始，或即與曇無竭同行二十五人之內者。

歷國傳

《隋書·經籍志·地理》 《歷國傳》二卷。釋法盛撰。

《舊唐書·經籍志·地理》 《歷國傳》二卷。釋法盛撰。

《新唐書·藝文志·地理類》 僧法盛《歷國傳》二卷。

鄭樵《通志·藝文略·地理·蠻夷》 《歷國傳》二卷。僧法盛撰。

祁承燦《澹生堂藏書目·圖志·攬勝》 《歷國傳》二卷。僧法盛撰。

姚振宗《隋書經籍志考證·地理類》 《歷國傳》二卷。釋法盛撰。慧皎高僧曇無識附傳：時高昌有沙門法盛，亦經往外國，立傳凡有四卷。又有竺法維、釋僧表，亦經往外國云。《開元釋教錄》：沙門釋法盛，高昌人也。亦于涼代譯《投身餓虎經》一卷。故高僧曇無識傳末云：于時有高昌沙門法盛，亦經往外國，有傳四卷。案此云涼代，謂沮渠蒙遜也，時當宋元嘉中。唐日本書目載法盛是書，亦云四卷。《唐書·經籍志》：《歷國傳》二卷，釋法盛撰，《唐書·藝文志》：僧法盛《歷國傳》二卷。

男女二國傳

《隋書·經籍志·地理》 《男女二國傳》一卷。

鄭樵《通志·藝文略·地理·蠻夷》 《男女二國傳》一卷。

姚振宗《隋書經籍志考證·地理類》 《男女二國傳》一卷。不著撰人。《南史·夷貊傳》扶桑國者，齊永元元年，其國有沙門慧深來至荊州，說云扶桑東千餘里有女國。《隋書·西域傳》女國在葱嶺之南，其國代以女爲王，王姓蘇毗，字末羯。女王之夫號曰金聚，不知政事，國內丈夫唯以征伐爲務。開皇六年遣使朝貢，其後遂絕。

世界記

《隋書·經籍志·地理》 《世界記》五卷。釋僧祐撰。

鄭樵《通志·藝文略·地理·蠻夷》 《世界記》五卷。釋僧祐撰。

姚振宗《隋書經籍志考證·地理類》 《世界記》五卷。釋僧祐撰。《撰》。僧祐有薩婆多部，傳見前雜傳類。僧祐自序略曰：竊維方等大典多說深空，唯長鎔、樓炭辯章世界而文博偈廣，難卒檢究，且名師法匠職競玄義，事源委積未必曲盡。祐以庸固，志在拾遺，故抄集兩經以立根本，兼附雜曲，互出同異，撰爲五卷，名曰《世界集記》，將令三天階序，煥若披圖，六趣羣分，照如臨鏡。庶溺俗者發蒙，服道者登解。共見慧眼之因，俱成覺智之業焉。又《法集總目》云：區辨六趣，故述世界之記。案以《長阿含經》《樓炭經》所說世界爲主，附以他雜說，成是記。《法苑珠林·傳記篇》：《世界記》一十卷，梁朝揚州建安寺沙門釋僧祐撰。

魏國已西十一國事

《舊唐書·經籍志·地理》 《魏國已西十一國事》一卷。宋雲撰。

《新唐書·藝文志·地理類》 宋雲《魏國以西十一國事》一卷。

大隋翻經婆羅門法師外國傳

《隋書·經籍志·地理》 《大隋翻經婆羅門法師外國傳》五卷。
鄭樵《通志·藝文略·地理·蠻夷》 《大隋翻經婆羅門法師外國傳》五卷。

西域道里記

《隋書·經籍志·地理》 《西域道里記》三卷。
《舊唐書·經籍志·地理》 《西域道里記》三卷。
《新唐書·藝文志·地理類》 程士章《西域道里記》三卷。
鄭樵《通志·藝文略·地理·蠻夷》 《西域道里記》三卷。程士章撰。
姚振宗《隋書經籍志考證·地理類》 《西域道里記》一卷。不著撰人。

西域諸國志

李昉《太平御覽經史圖書綱目》 《西域諸國志》。

西域圖記

李昉《太平御覽經史圖書綱目》 《西域圖記》。

西域記

焦竑《國史經籍志·地理·蠻夷》 《西域記》十二卷。唐僧辨機。

西域國志

《新唐書·藝文志·地理類》 《西域國志》六十卷。高宗遣使分往康國、吐火羅，訪其風俗物產，畫圖以聞。詔史官撰次，許敬宗領之，顯慶三年上。
鄭樵《通志·藝文略·地理·蠻夷》 《西域國志》六十卷。
焦竑《國史經籍志·地理·蠻夷》 《西域(圖)「國」志》六十卷。

西域行記

錢東垣等輯《崇文總目輯釋·地理類》 《西域行記》一卷。

海圖志

焦竑《國史經籍志·地理·川瀆》 《海圖志》一卷。賈叔蒙。

趙汝适諸蕃志

馬端臨《文獻通考·經籍考·地理》 《諸蕃志》二卷。
陳振孫《直齋書錄解題·地理類》 《諸蕃志》二卷。福建提舉市舶趙汝适記諸蕃國及物貨所出。

楊士奇等《文淵閣書目·古今志》 《諸蕃志》。一冊。

《四庫全書總目提要·地理類四·外紀》 《諸蕃志》二卷。《永樂大典》本。宋趙汝适撰。汝适始末無考，惟據《宋史·宗室世系表》，知其為岐王仲忽之元孫，安康郡王士說之曾孫，銀青光祿大夫不柔之孫，善待之子，出於簡王元份房，上距太宗八世耳。此書乃其提舉福建路市舶時所作。於時宋已南渡，諸蕃惟市舶僅通，

故所言皆海國之事。《宋史·外國列傳》實引用之。核其敘次事類，歲月皆合。但《宋史》詳事蹟而略於風土、物產，此則詳風土、物產而略於事蹟。蓋一則史傳，一則雜志，體各有宜，不以偏舉爲病也。所列諸國，賓瞳龍，史作賓同龍。登流眉，史作丹流眉。阿婆羅拔，史作阿蒲羅拔。麻逸，史作摩逸。蓋譯語對音，本無定字。龍，隴，三聲之通。登、丹、蒲、婆、麻、摩，雙聲之轉。呼有輕重，故文有異同。無由核其是非，今亦各仍其舊。惟南宋僻處臨安，海道所通，東南爲近。志中乃兼載大秦、天竺諸國，似乎隔越西域，未必親視其人。然考《冊府元龜》載唐時祆教稱大秦寺，《程史》所記廣州海獠，即其種類。又法顯《佛國記》載陸行至天竺，附商舶還晉。知二國皆轉海可通，故汝适得於福州見其市易。然則是書所記，皆得諸兒聞，親爲詢訪。宣其敘述詳核，爲史家之所依據矣。

滕賓萬邦一覽集

倪燦等《補遼金元藝文志·地理類》《滕賓萬邦一覽集》。

島夷志略

楊士奇等《文淵閣書目·古今志》《島夷志》一冊。

錢謙益等《絳雲樓書目·地誌類》《島夷志》。

錢曾《讀書敏求記·別志》汪煥章《島夷志》一卷。豫章汪煥章，少負奇氣，

負舶浮于海者，數年始歸。書其目之所及，不下數十國，勒成一書，名《島夷志》。中一則云：至順庚午冬十月十有二日，卸帆大佛山下，月明水清，水中見樹婆娑，意謂琅玕珊瑚之屬。命童子入水拔之，出即堅如鐵，高僅盈尺，槎牙奇怪。枝有一蕊一花，天然江色既開者，彷彿牡丹半含者，類乎菡萏。舟人咸雀躍，曰此謂瓊樹開花，海中稀有，千年始一遇耳。携歸留于君子堂，虞邵菴賦詩誌其異。其所記奇詭，率多類此。是書爲元人舊鈔本，至正年間，河東張翥、三山吳鑒序之，咸謂其言可信不誣。鄒衍曰：九州之外，復有九州。煥章此志，悉前古所未聞，予醞難也，無能發壺天之覆，聊存其書而已。

晁瑛《晁氏寶文堂書目·圖誌》《島夷志》。

《四庫全書總目提要·地理類四·外紀》《島夷志略》一卷。浙江范懋柱家天一閣藏本。元汪大淵撰。大淵字煥章，南昌人。至正中，嘗附買舶浮海越數十國，紀所聞見成此書。今以明馬觀《瀛涯勝覽》互勘，如觀所稱占城之人頂三山金花冠，衣皆紫綵綵，產伽南香、觀音竹、降真香之屬。瓜哇之斯村、沽灘、新村、蘇馬、魯隘、港口諸處，風俗各異。又其國人有三等，其土產有白芝蔴、綠荳、蘇木、金剛子、白檀、肉荳蔻、龜筒、玳瑁、紅綠鸚鵡之屬，舊港有火鷄、神鹿之屬，皆爲此書所未載。又所載《真臘風土記》亦僅十之四五。蓋殊方絕域，偶一維舟，斷不能周覽無遺。所見各殊，則所記各別不足異也。至云瓜哇即古閩婆老，《明史》明太祖時瓜哇、閩婆二國並來貢，其二國國王之名亦不同。大淵併而爲一，則傳聞之誤矣。然諸史外國列傳，秉筆之人皆未嘗身歷其地。即趙汝适《諸蕃志》之類，亦多得於市舶之口傳。大淵此書則皆親歷而手記之，究非空談無徵者比。故所記羅衛、羅斛、針路諸國，大半爲史所不載。又於諸國山川、險要、方域、疆里一一記述，即載於史者亦不及所言之詳，錄之亦足資考證也。考黃虞稷《千頃堂書目》及焦竑《國史經籍志》皆不載是書，唯錢曾《讀書敏求記》載之，稱爲元人舊鈔本，則此書久無刊版，傳播殊稀。又稱至正年間河東張翥、三山吳鑒爲之序。今考此本，二人之序俱存。然吳鑒序乃有一篇，前一篇題至正己丑，乃此書原序。後一篇題至正十一年，在前序後二年，乃所作《清源續志》之序，誤入此書。蓋吳鑒修志之時，以泉州爲海道所通，買船所聚，因附刊此書於志末，摘錄者併志序鈔之也。又有嘉靖戊申袁袞跋，頗議其漏載日本。蓋未悉大淵此書，惟紀所見，非海國全志云。

錢大昕《補元史藝文志·地理類》汪煥章《島夷志略》一卷。字大淵，豫章人。

星槎勝覽

范邦甸等《天一閣書目·地理類》《星槎勝覽》四卷。緜紙藍絲蘭鈔本。明正統元年費信撰并序。

王圻《續文獻通考·經籍考·地理》《星槎勝覽》。永樂中遣太監鄭和等領兵曉諭諸番，太倉費信採其風俗土產之詳，作是書以獻。

徐燊《徐氏家藏書目·外夷省》《星槎勝覽》一卷。

祁承燾《澹生堂藏書目·國朝史類·行役·使命》《星槎勝覽》一卷。費

信。紀錄彙編本、百名家書本、古今說海本。

錢謙益等《絳雲樓書目·地誌類》《星槎勝覽》一卷。費信撰。信，太倉人，從

鄭和使西洋，因記其土俗之詳。震川先生言此書詞多鄙蕪，上海陸子淵學士家刻《說海》中，稍加刪潤。《說海》乃文裕子楫所刊，與文裕無涉。

黃虞稷《千頃堂書目·地理類下》費信《星槎勝覽》前集一卷後集一卷，又

《天心紀行錄》一卷。字公晚，太倉衛人。永樂中從鄭和使西洋，記所歷之國。

《明史·藝文志·地理類》費信《星槎勝覽集》二卷。

丁立中《八千卷樓書目·地理類·外紀》《星槎勝覽》四卷。明費信撰。《學

海類編》本、《紀錄彙編》本。

天心紀行錄

《明史·藝文志·地理類》費信《天心紀行錄》一卷。永樂中，從鄭和使西洋所紀。

周致中異域志

黃虞稷《千頃堂書目·地理類下》周致中《異域志》三卷。

倪燦等《補遼金元藝文志·地理類》周致中《異域志》三卷。

錢大昕《補元史藝文志·地理類》周致中《異域志》三卷。

異域志

《四庫全書總目提要·地理類存目七·外紀》《異域志》一卷。浙江范懋柱

家天一閣藏本。不著撰人名氏。篇首胡惟庸序曰：《贏蟲錄》者，予自吳元年丁未，

出鎮江陵，有處士周致中者，前元之知院也，持是錄獻於軍門。則此書初名《贏蟲錄》，為周致中所作。又開濟跋曰：是書吾兄得之於青宮，乃國初之故物。今吾兄

重編，更其名曰《異域志》。則此書名《異域志》乃開濟之兄所更定。然考明太祖於元至正二十四年甲辰，建國號曰吳。丁未當稱吳三年，不得稱元年。又濟跋題壬午長至，為惠帝建文四年。其時濟被誅已久，不應作跋，疑皆出於依託也。其書中雜論諸國風俗、物產、土地，語甚簡略，頗與金鉞所刻《異域圖志》相似，無足採錄。

贏蟲錄

朱睦㮮《萬卷堂書目·雜誌》《贏蟲錄》一卷。陳清。

黃虞稷《千頃堂書目·地理類下》《贏蟲錄》一卷。

異域圖志

嵇璜等《續通志·圖譜略·記有·地理》宋人《異域圖志》。

《四庫全書總目提要·地理類存目七·外紀》《異域圖志》一卷。浙江范懋

柱家天一閣藏本。不著撰人名氏。後有明廣信府知府金鉞序，謂宋亦有應天府，疑

是宋書。然書中載明初封元梁王子於耽羅，則為明人所作無疑。其書摭拾諸史及諸小說而成，頗多疎舛。如占城役屬於安南，乃云安南為占城役屬，殊不足據。其他敘述，亦太寥寥。

異域志

高儒《百川書志·地理》《異域志》一卷。不著作者，凡所編入者一百五十

八國。

晁瑑《晁氏寶文堂書目·圖誌》《異域志》。

朱睦㮮《萬卷堂書目·雜誌》《異域志》。

趙琦美《脈望館書目·史·外夷》《異域志》二本。

徐燊《徐氏家藏書目·外夷省》《異域志》二卷。

瀛涯勝覽

晁瑛《晁氏寶文堂書目·圖誌》《瀛涯勝覽》。

徐燾《徐氏家藏書目·外夷省》《瀛涯勝覽》二卷。馬歡。

祁承燾《澹生堂藏書目·國朝史類·行役·使命》《瀛涯勝覽》一卷。馬汝欽。附《瀛涯記行詩》說《鈔》本、徵信叢錄本、紀錄彙編本、百名家書本、古今說海本。

黃虞稷《千頃堂書目·地理類下》馬歡《瀛涯勝覽》一卷。會稽人。

《明史·藝文志·地理類》馬歡《瀛涯勝覽》一卷。

《四庫全書總目提要·地理類存目七·外紀》《瀛涯勝覽》一卷。兩江總督

採進本。明馬觀《歡》撰。觀不知何許人。書中多記鄭和出使時事，則作於永樂以後也。所記海外諸番曰占城、曰爪哇、曰舊港國、曰暹羅、曰滿刺加、曰啞魯國、

曰蘇門答刺、曰那孤兒、曰黎代、曰喃勃里、曰錫蘭、曰小葛蘭、曰阿枝、曰古俚、曰

溜山、曰祖法兒、曰阿丹國、曰榜葛刺國、曰忽魯謨國、凡十九國，而篇十八。

其那孤兒國附見蘇門答刺後，以其微也。各載其疆域、道里、風俗、物產，亦略及沿

革，大抵與史傳相出入。

草，大抵與史傳相出入。

改正瀛涯勝覽

祁承燾《澹生堂藏書目·國朝史類·行役·使命》《改正瀛涯勝覽》一卷。

張昇。張傳公集本。紀錄彙編本、百名家書本、古今說海本。

黃虞稷《千頃堂書目·地理類下》張昇《改正瀛涯勝覽》一卷。

丁立中《八千卷樓書目·地理類·外紀》《瀛涯勝覽集》一卷。明張昇撰。紀

錄彙編本。

西洋番國志

黃虞稷《千頃堂書目·地理類下》鞏珍《西洋番國志》一冊。金陵人。

史總部·地理部·外紀分部

錢曾《讀書敏求記·別志》鞏珍《西洋番國志》一卷。永樂初，勅遣中外重

臣循西海諸國。宣宗嗣位，復命正使太監鄭和、王景弘等往海外徧諭諸番。時金

陵鞏珍從事總制之幕，往還三年，所至番部二十餘處。在處詢訪紀錄無遺，宣德元

年，編次成集。予觀其議事詳核，行文瞻雅，非若《星槎勝覽》等書之影略成編者。

蓋三保下西洋，委巷流傳甚廣，內府之劇戲，看場之平話，予虛亡是，皆俗語流為丹

青耳。今夷考之，此冊首載永樂十八年十二月初十日勅太監楊慶往西洋公幹，十

九年十月十六日勅內官鄭和、孔和、卜花、唐觀保，今遣內官洪保等送各番國使臣

回還，合用賞使，即照依坐去數目關給與之。宣德五年五月初四日勅南京守備太

監楊慶、羅智、唐觀保，大使袁誠，令命太監鄭和往西洋公幹，大小海船該關領原交

南京入庫，各衙門一應正錢糧并賞賜，并原下西洋官員買到物件及隨船合用等物，

勅至即照數放支，與太監鄭和、王景弘、李興、朱良、楊真右，少監洪保等關領前去

應用。詳觀前後勅書，下西洋似非鄭和一人，鄭和往返亦似非一次。惜乎國初事

蹟記載闕如，茫無援據，徒令人興放失舊聞之嘆而已。

《四庫全書總目提要·地理類存目七·外紀之屬》《西洋番國志》。無卷數。

浙江巡撫採進本。明鞏珍撰。珍，應天人。其仕履始末未詳。永樂中，敕遣太監鄭

和等出使西洋。宣宗嗣位，復命和及王景宏等往海外，徧諭諸番。時珍從事總制

之幕，往還三年。所歷諸番曰占城、曰爪哇、曰暹羅、曰舊港、曰啞嚕、曰滿刺加、曰

蘇門答刺、曰那姑兒、曰黎代、曰喃勃里、曰溜山、曰榜葛刺、曰錫蘭山、曰小葛蘭、

曰阿枝、曰古里、曰祖法兒、曰忽魯謨斯、曰阿丹、曰天方，凡二十國。於其風土人

物，詢諸通事，轉譯漢語，觀縷畢記。至宣德九年編成。所記與《明史·外國傳》大

概相同，疑史採用此書也。

海語

錢謙益等《絳雲樓書目·地誌類》《海語》。一卷。黃衷。

《四庫全書總目提要·地理類四·外紀》《海語》三卷。浙江鄭大節家藏本。

明黃衷撰。衷字子和，南海人。弘治丙辰進士，官至兵部右侍郎。是書乃其晚年

致政家居，就海洋番舶，詢悉其山川風土，哀錄成編。自序稱鐵橋病叟者，其別號

也。《廣東通志》載是書，作一卷。此本實三卷，分爲四類。曰風俗，凡二目。曰物

產，凡二十九目。曰畏途，凡五目。曰物怪，凡八目。所述海中荒忽奇譎之狀，極為詳備。然皆出舟師舵卒所親見，非《山海經》《神異經》等純構虛詞、誕幻不經者比。每條下開附論斷，詞致高簡，時寓勸戒，亦頗有可觀。書中別有附註，乃其族子學準增加。原本所載，今併存焉。按《明史·滿剌加傳》，稱正嘉間為佛郎機所滅，而此書則稱佛郎機破其國，王退依陂隄里，佛郎機整衆而去，王乃復所云云，與史稍有不同。此書成於嘉靖初海賈所傳，見聞較近，似當不失其實。是尤可訂史傳之異，不僅博物之資矣。

丁立中《八千卷樓書目·地理類·外紀》《海語》三卷。明黃衷撰。紛欣閣本。學津討原本。道光間吳氏刊本。嶺南遺書本。

西洋朝貢典錄

錢謙益等《絳雲樓書目·地誌類》《西洋朝貢典錄》。吳人黃省曾撰。永樂十三年，吏部員外郎陳誠上《使西域記》，凡十七國。蓋在鄭和下西洋之後，真聲教四訖之時也。

黃虞稷《千頃堂書目·地理類下》黃省曾《西洋朝貢典錄》二卷。

錢曾《讀書敏求記·別志》黃省曾《西洋朝貢典錄》三卷。東川居士孫胤伽跋云：「此書序見黃公《五岳集》久矣，往來于胸中者三十年。歲己未，錢受之搜秘冊，于郡城故家得黃公手藁，歸以貽予，遂命童子錄之。此書初未入梓，自藁本外，只此冊耳。」

《明史·藝文志·地理類》黃省曾《西洋朝貢典錄》二卷。

《四庫全書總目提要·地理類存目七·外紀》《西洋朝貢典錄》三卷。江蘇巡撫採進本。明黃省曾撰。省曾字勉之，吳縣人。嘉靖辛卯舉人。《明史·文苑傳》附見文徵明傳中。是編紀西洋諸國朝貢之事。自占城以迄天方，為國二十有三。國各一篇，篇各有論。凡道里遠近、風俗美惡、物產器用之殊，言語衣服之異，靡不詳載。考《明史·外國傳》，其時通職貢者尚不盡於此錄。省曾止就內侍鄭和所歷之國，編次成書，餘固未暇及也。末有二跋，一為東川居士孫允伽，一為清常道人趙開美。允伽稱此書初未付梓，得其手藁錄之。開美謂其章法句法頗學《山海經》，信為奇書。錢曾《讀書敏求記》亦載之。然其精華已採入正史，餘亦無他異聞也。

殊域周咨錄

范邦甸等《天一閣書目·地理類》《殊域周咨錄》二十四卷。刊本。明嚴崇簡撰。

趙琦美《脈望館書目·史·外紀》《殊域周咨錄》十二本。

徐勳《徐氏家藏書目·外夷省》《殊域周咨》。

黃虞稷《千頃堂書目·地理類下》嚴從諫《殊域周咨錄》二十四卷。嘉興人。嘉靖乙未進士。

《明史·藝文志·地理類》嚴從諫《殊域周咨錄》二十四卷。

丁丙《善本書室藏書志·地理類·外紀》《殊域周咨錄》二十四卷。明刊本。海虞吳蔚光藏書。明行人司行人、刑科右給事中嘉禾嚴從簡輯。是錄載於《千頃堂書目》。一卷朝鮮，二至三日本，四琉球，五至六安南，七占城，八真臘、暹羅、滿刺加、爪哇、三佛齊、勃泥、瑣里古里，九蘇門答刺、錫蘭、蘇祿、麻刺、忽魯謨斯、佛郎機、雲南百夷、十吐蕃、十一拂菻、榜葛刺、默德那、天方國，十二哈密、十三吐魯番，十四赤斤蒙古、安定阿端、曲先、罕東、火州，十五撒馬兒罕，亦力把力、于闐、哈烈，十六至二十二韃靼，二十三元良哈，二十四女直。萬曆癸未正治上卿吏部尚書滇浙居士寅所嚴清撰序，謂諫議姪紹峰子攜所著《殊域周咨錄》乞序，乃知其官行人時所輯。名以周咨者，因靡及之懷，勤採訪之博，雖於耿光大烈，未克兼總其全；若門類分編，豈非為天下九經中柔遠人懷諸侯之模範哉。有「蔚光太史公小宗伯海虞吳氏擁書樓圖史」諸印。蔚光字哲甫，號竹橋，昭文人，乾隆四十五年進士，官禮部主事。

咸賓錄

趙琦美《脈望館書目·史·外夷》《咸賓錄》四本。

徐勳《徐氏家藏書目·外夷省》《咸賓錄》八卷。羅曰褊。

黃虞稷《千頃堂書目·地理類下》羅曰褊《咸賓錄》八卷。豫章人。

《明史·藝文志·地理類》 羅曰褰《咸賓錄》八卷。

《四庫全書總目提要·地理類存目七·外紀》 《咸賓錄》八卷。浙江鮑士恭家藏本。明羅曰褰撰。曰褰，字尚之，江西人。是編刊於萬曆中。分列諸國之事，以東西南北爲分，欲誇明代聲教之遠，故曰咸賓。其實多非朝貢之國。又敘事古今糅雜，標題人地混淆，亦頗無體例。

海外輿圖全說

祁承燾《澹生堂藏書目·國志·統志》 《海外輿圖全說》一冊。二卷。龐迪我述。

嵇璜等《續通志·圖譜略·記無·地理》 西洋人龐迪我《海外輿圖全說》。

黃虞稷《千頃堂書目·地理類上》 龐迪我《海外輿圖全說》二冊。

《明史·藝文志·地理類》 龐迪我《海外輿圖全說》二卷。

東西洋考

徐燉《徐氏家藏書目·外夷省》 《東西洋考》十二卷。張燮。

祁承燾《澹生堂藏書目·國朝史類·風土·異域》 《東西洋考》八冊。十二卷。張燮。

黃虞稷《千頃堂書目·地理類下》 張燮《東西洋考》十二卷。龍谿人，舉人。

《四庫全書總目提要·地理類四·外紀》 《東西洋考》十二卷。江蘇巡撫採進本。明張燮撰。燮字紹和，龍溪人，萬曆甲午舉人。考《明史·黃道周傳》載其三

罪四恥七不如疏在崇禎十八年，距燮鄉薦之時已四十四年，尚稱志尚高雅，博學多通，不如龍溪舉人張燮，則燮以舉人終於家也。是書成於萬曆丁巳，仿宋趙汝适《諸蕃志》例，惟載海國之通互市者。首西洋考，凡十五國，又附錄者四。次東洋考，凡七國，又附錄者十二。次外紀考，爲日本及紅毛番，不通貢市，故別著之。次稅餉考，分水編、陸編、職官、公署四子目。次舟師考，分內港水程、二洋針路、祭祀占驗、水醒水忌、定日、惡風、潮汐七子目。次稅璫考，紀神宗時內官高寀通番蠹

國，劫官擾民始末最詳。次藝文，次逸事考。其例於交趾、占城、暹羅、彭亨、呂宋、蘇祿，名與古同者，仍用古名。他若瓜哇之爲下港，柬埔寨之爲真臘，大泥之爲勃泥，舊港之爲三佛齊，麻六甲之爲滿刺加，啞齊之爲蘇門答刺，思吉港之爲蘇吉，丹遲悶之爲吉里地，聞文萊之爲婆羅，貓里務之爲合貓里，則並從今名，使通俗易檢。每國先列沿革事蹟，多與諸史相出入。如占城即古林邑，而五代史以爲自古未通之類，亦頗有改正。大致與《明一統志》略同，而稍益以諸書。如閩部疏之誤記燕窩菜，及小葛羅誤稱吉蘭丹之類，咸附辨之。次列海船交易之例，則皆採自海師賈客之口，爲傳記之所未詳。其稅璫一篇，言利弊最悉。水程針路諸篇，尤切於實用。惟明代控制外番，至爲無術。無事則百計以漁利，有變則委曲以苟安。事事可爲炯戒，而篇末諸論，乃稱功頌德，曲筆實多。蓋當時臣子之詞，置而不論可矣。

職方外紀

徐燉《徐氏家藏書目·外夷省》 《職方外紀》五卷。艾儒略。

祁承燾《澹生堂藏書目·國志·通志》 《職方外紀》二冊。二卷。西洋艾儒略著。

黃虞稷《千頃堂書目·地理類下》 艾儒略《職方外紀》五卷。

《明史·藝文志·地理類》 艾儒略《職方外紀》五卷。

《四庫全書總目提要·地理類四·外紀》 《職方外紀》五卷。兩江總督採進本。明西洋人艾儒略撰。其書成於天啓癸亥，自序謂利氏齋進《萬國圖志》，龐氏

奉命翻譯，儒略更增補以成之。蓋因利瑪竇、龐我迪舊本潤色之，不盡儒略自作也。所紀皆絕域風土，爲自古輿圖所不載，故曰《職方外紀》。其說分天下爲五大州，一曰亞細亞洲，其地西起那多理亞，離福島六十二度。東至亞尼俺峽，離福島一百八十度。南起爪哇，在赤道南十二度。北至冰海，在赤道北七十二度。二曰歐邏巴州，其地南起地中海，北極出地三十五度。北至冰海，北極出地八十餘度，徑一萬一千二百五十里。西起西海福島初度，東至阿比河，距福島九十二度，徑二萬三千里。三曰利未亞州，西南皆至利未亞海，東至西紅海，北至地中海，極南極出地三十五度，極北北極出地三十五度，東西廣七十八度。四曰亞墨利加，地分

南北，中通一峽。峽南之地，南起墨瓦蠟泥海峽，南極出地五十二度。北至加納達，北極出地十度半。西起福島二百八十六度，東至三百五十五度。峽北之地，南起加納達，南極出地十度半。北至冰海，其北極出地度數則未之測量。西起福島一百八十度，東盡三百六十度。五曰墨瓦蠟尼加，則彼國與之初通，疆域道里，尚莫得詳焉。前冠以萬國全圖，後附以四海總說。所述多奇異不可究詰，似不免多所夸飾。然天地之大，何所不有，錄而存之，亦足以廣異聞也。

張之洞《書目答問·地理·外紀》《職方外紀》五卷。明艾儒略。守山閣本。金壺本。龍威本。

輶軒紀事

黃虞稷《千頃堂書目·地理類下》姜曰廣《輶軒紀事》一卷。

重譯圖經

錢曾《讀書敏求記·地理輿圖》《重譯圖經》二卷。圖共一百三十有四，五采繪畫，精妙絕倫。博採《朝貢典錄》、《四夷考》、《島夷志》等成書，核而可稽。昔人作《王會圖》，亦不是過矣。此等書，人間絕少，唯吾家有之。披視之間，洵足驚人。《蜾虫錄》雜採《山海經》異狀圖之，不足存也。

外國志

馬國翰《玉函山房藏書簿錄·史編·地理類》《外國志》八卷。《西堂集》本。國朝尤侗撰。有《明史》撰傳，已著錄。此亦擬史之四夷志傳，而以外國標名，故列之地理。

外國竹枝詞

馬國翰《玉函山房藏書簿錄·史編·地理類》《外國竹枝詞》一卷。《昭代叢書》本。尤侗撰。自朝鮮至蒙古凡八十九國，爲詞百首，後附土謠十首，又附閩人沙起雲喜亭日本雜詠十六首。

丁立中《八千卷樓書目·地理類·外紀》《外國竹枝詞》一卷。國朝尤侗撰。《龍威秘書》本。《昭代叢書》本。

坤輿圖說

《四庫全書總目提要·地理類四·外紀》《坤輿圖說》二卷。內府藏本。

國朝南懷仁撰。懷仁，西洋人。康熙中官欽天監監正。是書上卷自坤輿至人物，分十五條，皆言地之所生。下卷載海外諸國道里、山川、民風、物產，分爲五大州，而終之以西洋七奇圖說。大致與艾儒略《職方外紀》互相出入，而亦時有詳略異同。按東方朔《神異經》曰：東南大荒之中有樸父焉，夫婦並高千里。腹圍按此下當有腹圍之里數，原本脫佚，今姑仍之。自輔天初立時，使其夫婦導開百川。嬾不用意，謫之並立東南。不飲不食，不畏寒暑。須黃河清，當復使其夫婦導護百川云云。此書所載有銅人跨海而立，巨舶往來出其胯下者，似影附此語而作。又《神異經》曰：北方屬冰萬里，厚百丈，有磈鼠在冰下土中焉。形如鼠，肉重千觔。可以作脯，食之已熱云云。此書記此物全與相合。又周密《癸辛雜識》曰：西域有沙海，正據要津。其水熱如湯，不可向邇。此天之所以限華夷也，終古未嘗通中國。忽一日有巨獸浮水室，其骨長數十里，橫於兩涘，如津梁然。骨中有髓竅，可容並馬，於是西域之地始通中國。謀往來者每以膏油塗其骨，懼其枯朽而折，則無復可通故耳云云。此書記此事亦全與相合。疑其東來以後，得見中國古書，因依仿而變幻其說，不必皆有實迹。然核以諸書所記，賈舶之所傳聞，亦有歷歷不誣者。蓋雖有所粉飾，而不盡虛構。存廣異聞，固亦無不可也。

張之洞《書目答問·地理·外紀》《坤輿圖說》二卷。明南懷仁。《指海》本。

別本坤輿外紀

《四庫全書總目提要·地理類存目七·外紀》《別本坤輿外紀》一卷。大學士英廉購進本。舊題本。國朝南懷仁撰。載吳震方《說鈴·前集》中。案懷仁《坤輿外紀》，別有全本，已著於錄。此本摘錄其文，併刪其圖說，乃叢書之節本，猶明季坊刻竄亂古書之陋習也。

坤輿格致

丁立中《八千卷樓書目·地理類·外紀》《坤輿格致》一卷。國朝西洋南懷仁撰。抄本。

古今外國名考

馬國翰《玉函山房藏書簿錄·史編·地理類》《古今外國名考》一卷。國朝淄川孫蘭滋九撰。考外國古今名之異。

海外紀事

《四庫全書總目提要·地理類存目七·外紀》《海外紀事》六卷。浙江巡撫採進本。國朝釋大汕撰。大汕，廣東長壽寺僧。康熙乙亥春，大越國王阮福週聘往說法，越歲而歸。因記其國之風土以及大洋往來所見聞。大越國者，其先世乃安南贅婿，分藩割據，遂稱大越。卷前有阮福週序，題丙子蒲月。蓋康熙三十五年也。

八紘譯史

《四庫全書總目提要·地理類存目七·外紀》《八紘譯史》四卷，《紀餘》四卷。江蘇巡撫採進本。國朝陸次雲撰。次雲有《湖壖雜記》，已著錄。是書專錄荒外諸國，古事皆採摭史傳，複見不鮮。近事多據《瀛涯勝覽》、《職方外紀》諸書，亦多傳聞失實。所記西域山川物產，其地自天威耆定，俱入版圖。如謂高昌盛暑，人皆穴處，鳥飛或爲日氣所燥而墮。謂火焰山火焰燭天，謂火蠶綿絮衣一襲，止用一兩，稍多，熱不可耐。謂白疊子，其實成繭，中有細絲。謂哈密四味木，其實如棗，以竹刀取之則甘，鐵刀取之則苦，木刀取之則酸，蘆刀取之則辛。謂龜茲有山出泉，行數里入地，狀如醍醐，甚臭，人服之，齒落更生。今由嘉峪關南路至喀什噶爾，即經三國故地，安得有此事哉，即其他可知矣。後附《譯史紀餘》四卷，一爲東海、西海及異物，二爲高麗、日本、占城、安南、琉球之詩，三爲外國錢文，四爲西番、百譯、緬甸、暹羅四國之書，亦皆耳剽之談，不爲確據。如人面魚食目一條，此書作前朝使臣至日本事。《尚谿織志》又以爲苗人進於初官是土著。一人之書而自相矛盾，是尚可爲信史哉。

丁立中《八千卷樓書目·地理類·外紀》《八紘譯史》四卷，《紀餘》四卷。國朝陸次雲撰。原刊本。九種本。《龍威秘書》本。《昭代叢書》紀餘本。

八紘荒史

《四庫全書總目提要·地理類存目七·外紀》《八紘荒史》一卷。江蘇巡撫採進本。國朝陸次雲撰。次雲既撰《八紘譯史》，記其曾通中國者。因復摭小說稗官所載荒渺之說，爲此書，皆無稽之談也。書首題卷之一，則當不止此卷。而次雲所刻雜著，前列總目，此書實止一卷。豈欲續輯而未成歟。

丁立中《八千卷樓書目·地理類·外紀》《八紘荒史》一卷。國朝陸次雲撰。原刊本。《龍威秘書》本。

譯史紀餘

馬國翰《玉函山房藏書簿錄·史編·地理類》《譯史紀餘》四卷。陸次雲撰。補前二書之遺。

外國紀

丁立中《八千卷樓書目·地理類·外紀》《外國紀》一卷。國朝張玉書撰。《昭代叢書》本。

異域錄

《四庫全書總目提要·地理類四·外紀》《異域錄》一卷。兵部侍郎紀昀家藏本。國朝圖理琛撰。圖理琛姓何顏覺羅氏，先世葉赫人。由考取內閣中書，官至兵部職方司郎中。是編乃康熙五十一年五月，圖理琛以原任內閣侍讀奉命出使土爾扈特，由喀爾喀，越俄羅斯國，至其地。五十四年三月，回京師復命。因述其道里、山川、民風、物產以及應對禮儀，恭呈御覽。冠以輿圖，次隨日記載見聞。其體例略如宋人行記，但宋人行記以日月為綱，而地理附見，此則以地理為綱而月日附見。所歷俄羅斯境，曰楚庫柏興、曰烏的柏興、曰柏海爾湖、曰尼爾庫城、曰昂噶拉河、曰伊聶謝柏興、曰麻科斯科、曰揭的河、曰那里本柏興、曰蘇爾呼忒柏興、曰薩瑪爾斯科、曰狄木演斯科、曰托波爾、曰鴉班沁、曰費耶爾和土爾斯科城、曰費耶爾和土爾斯科佛落克嶺、曰索里喀穆斯科、曰改果羅多、曰黑林諾付、曰喀山、曰西穆必爾斯科、曰薩拉托付、曰塔喇斯科、曰托穆斯科、曰伊里木城，皆其大聚落也。其地為自古輿記所不載，亦自古使節所未經。如《史記》述匈奴北海，頗作疑詞，故儒者類言無北海。今據圖理琛所記，知伊聶謝柏興距北海大洋一月程。又《唐書》稱薛延陀夜不甚暗，猶可博弈，僅得之於傳聞。圖理琛以五月至其地，知夏至前後確

有是事。皆我聖祖仁皇帝德化覃敷，威稜震疊，故輶車所至，莫不具驛傳，供芻糈，涉越三四萬里，如行閭闔。故得以從容遊覽，見所未見，聞所未聞。纂述成編，以補亘古黃圖所未悉。今備錄其文，使天下萬世知聖化彌綸，迴出於章亥所步之外。且所記俄羅斯、土爾扈特畏懷恭順之忱，尤足見堯天不冒，砥屬無垠。凡在方趾圓顙，無不鱗集仰流，效誠恐後，為三五以來所未有。今土爾扈特已全部內附，而所記俄羅斯南路十四國，乾隆乙亥以後，又已盡入版圖。併以見武烈文謨，顯承啟佑，所由拓億禩之丕基者，非偶然也。

張之洞《書目答問·地理·外紀》《異域錄》二卷。圖理琛。借月山房本。《指海》本。多紀俄羅斯地理。

丁立中《八千卷樓書目·地理類·外紀》《異域錄》一卷。國朝圖理琛撰。原刊本。澤古齋本。《昭代叢書》本。

海國聞見錄

《四庫全書總目提要·地理類四·外紀》《海國聞見錄》一卷。浙江巡撫採進本。國朝陳倫炯撰。倫炯字資齋，同安人。父昂，康熙二十一年從靖海侯施琅平定臺灣。琅又使搜捕餘黨，出入東西洋五年。敘功授職，官至廣東副都統。按副都統為滿洲額缺，陳昂得是官，蓋出特典。倫炯少從其父，熟聞海道形勢。及襲父蔭，復由侍衛歷任澎湖副將、臺灣鎮總兵官。移廣東高雷廉、江南崇明、狼山諸鎮。又為浙江寧波水師提督，皆濱海地也。故以平生聞見，著為此書。上卷記八篇，曰天下沿海形勢錄、曰東洋記、曰東南洋記、曰南洋記、曰小西洋記、曰大西洋記、曰崑屯記、曰南澳氣記。下卷圖六幅，曰四海總圖、曰沿海全圖、曰臺灣圖、曰臺灣後山圖、曰澎湖圖、曰瓊州圖。凡山川之扼塞，道里之遠近，沙礁島嶼之夷險，風雲氣候之測驗，以及外蕃民風、物產，一一備書。雖卷帙無多，然積父子兩世之閱歷，參稽考驗，言必有徵。視勛傳聞而述新奇，據故籍而談形勢者，其事固區以別矣。其南澳氣記中稱萬里長沙者，即《列子》所謂歸墟，《莊子》所謂尾閭，《抱朴子》所謂沃焦，《宋史·琉球傳》所謂落漈，但諸書皆言注之不盈，倫炯則推以潮長而此溜落，潮落而此溜長，知水自入上，仍自下出。其言確切近理，足以決千古耳食之疑。又史稱舟落漈者一去不返，倫炯則謂乘潮長之時求出，則外高內下，反不得出。如潮

落乘南風棹船，尚可出。雍正丙午，有閩船落滌者，果如其說得還。此語亦前人所未發。惟所記七洲洋帶箭鳥，謂由鄭和呼鳥插箭爲記，以導海船。又記暹羅鬼與鄭和鬥法，夜建寺塔，今尚在焉。則蕃俗信鬼，有此附會之談。倫炯不爲辨正，是亦少疎。然是書主於記海道，不主於考故實。彼國既有此說，據而錄之，固亦無害宏旨爾。

張之洞《書目答問·地理·外紀》《海國聞見錄》附圖二卷。陳倫炯。珠塵本。

丁立中《八千卷樓書目·地理類·外紀》《海國聞見錄》二卷。國朝陳倫炯撰。《藝海珠塵》本。明辨齋本。原刊本。《昭代叢書》一卷本。

地球圖說

張之洞《書目答問·地理·外紀》《地球圖說》一卷。西洋蔣友仁譯。何國宗校大昕奉。敕潤色文選樓本。

海國圖志定本

張之洞《書目答問·地理·外紀》《海國圖志定本》一百卷。林則徐譯，魏源臚定。咸豐壬子廣州重刻定本，初刻止六十卷。

李慈銘《越縕堂讀書記·地理類》《海國圖志》。清魏源撰。閱《海國圖志》六十卷本，道光丁未魏氏古微堂揚州所刻。卷一《籌海》四篇，卷二《圖》二十三，後附元《經世大典地理圖》，得之《永樂大典》者，亦頗荒略不詳，魏氏稍增改之。卷二十八《攻船水雷圖說》，據道光癸卯廣東候選潘仕成所進，曾命於大沽演之，咸豐庚申之役，未聞有用此者，蓋已不知此事也。光緒乙酉（一八八五）十月十一日。

丁立中《八千卷樓書目·地理類·外紀》《海國圖志》一百卷。國朝魏源撰。古微堂刊本。活字印五十卷本。石印本。

瀛寰志略

張之洞《書目答問·地理·外紀》《瀛寰志略》十卷。徐繼畲。原刻大字、重刻小字兩本。

海錄

張之洞《書目答問·地理·外紀》《海錄》一卷。楊炳南。海山仙館本。

西國近事彙編

丁立中《八千卷樓書目·地理類·外紀》《西國近事彙編》十六卷。美金楷理撰。刊本。

漢西域圖考

李慈銘《越縕堂讀書記·地理類》《漢西域圖考》，清李光廷撰。閱李恢垣《西域圖志》，凡六卷，又附錄晉法顯《佛國記》等一卷，首冠以《漢西域圖》及《地球全圖》及《凡例》十四則。大約證今者多，考古功少。光緒癸未（一八八三）五月初八日。

閱李恢垣《漢西域圖攷》，以《隋書》所云曹國又誤作漕爲全有漢屬賓、高附二國地，不知曹國與康國、安國、米國、史國、何國、烏那曷國、穆國，《隋書》並言其王姓昭武，乃康居、大宛二國之地，由康分爲八國者，唐時分爲九國，所謂中曹、西曹即曹國所分，猶史國又分小史國，安國又分東安國，而無烏那曷穆國之名，亦以譯音無定字也。至《隋書》以安國爲即安息國，則大謬矣。李氏又謂唐西突厥之雷翥

海，今名鹹海，亦曰達里岡阿泊，在安息國南界。又謂《後漢書》言從安息陸路繞海北行，出海西至大秦，又有飛橋數百里，可度海北諸國，其繞海即繞黑海之南，出海及渡海即渡他大里尼峽，由黑海通地中海處闊僅數里者。按其圖則鹹海與地中海相距甚遠，鹹海外有裏海，又隔高加薩亦作索山，山之西臨黑海，黑海南為地中海，而中又隔馬海，則雷翳海安得云在安息國南界？此亦可疑也。余庚辰會試對策，以雷翳海為即地中海，今以輿圖細覈之，似隋唐間西突厥之境不得至今地中海也。五月二十三日。

刊本。

西俗雜誌

丁立中《八千卷樓書目·地理類·外紀》《西俗雜誌》一卷。國朝袁祖志撰。

地球說略

丁立中《八千卷樓書目·地理類·外紀》《地球說略》三卷。合衆禪理哲撰。

日本刊本。

地理全志

丁立中《八千卷樓書目·地理類·外紀》《地理全志》上編五卷下編十卷。

英慕維廉撰。日本刊本。

外國地理備考

丁立中《八千卷樓書目·地理類·外紀》《外國地理備考》十卷。泰西瑪吉士撰。海山仙館本。

瀛海論

丁立中《八千卷樓書目·地理類·外紀》《瀛海論》三卷。不著撰人名氏。

刊本。

四裔編年表

丁立中《八千卷樓書目·地理類·外紀》《四裔編年表》四卷。國朝李鳳苞撰。石印本。

撰。石印本。

環遊地球新錄

丁立中《八千卷樓書目·地理類·外紀》《環遊地球新錄》四卷。國朝李圭撰。活字本。

撰。活字本。

列國變通興盛記

丁立中《八千卷樓書目·地理類·外紀》《列國變通興盛記》一卷。英李提摩太撰。石印本。

摩太撰。石印本。

中外輿地彙鈔

丁立中《八千卷樓書目·地理類·總志》《中外輿地彙鈔》十三卷，《圖》二

卷。國朝馬榮羣撰。石印本。